

古今游名山記卷之十七

括蒼何鍾振卿甫編輯

廬陵吳炳川晦甫校正

天然洞 貴州諸山泉刊

明徐祿著 古之官于其土而善為山水游者若謝靈運柳
 子厚是也靈運之為永嘉守子厚永州刺史也守刺史守一州官尊而
 政劇而二子洒然脫略恣蕩風情凡州之山水稍可取者必涉足而寄
 目焉又能作為詩文以張大景物使不落莫寰中亦奇矣然而未識二
 子踪跡之所遺者至于今復有能表章之乎否也方今海內名士善山
 水游者予所聞則姑蘇都玄敬大末方思道天台蔡巨源是三子者之
 好為山水游也若饑食渴飲而病就醫也其有聞而求必得之也若獮
 搜而虞逐也巨源叅議貴州貴州山水磽陬鮮可游者而巨源必游凡
 一丘一壑苟不為糞壤者皆涉足而寄目焉又善於大書嘉勒名稱以
 紀蹤跡庶幾靈運子厚之風者巨源所與民同患者也清平城東三里
 游名山記 八卷之十七
 所謂大極洞又其東七里所謂雲溪洞雲溪大極者皆巨源所為名也
 挈其間去大極百步所即今所謂天然洞也當其時翳于榛莽狐狸之
 宅而螻蟻之封不為巨源所甄錄乃今去巨源二十餘年矣風雨滌薄
 門逕砒然可布几筵較其奇于雲溪大極不啻若華屋層軒之與蓬華
 伍也勝于前而顯于後豈非數與今夫崑山之玉滄海之珠千載求之
 尚有遺寶物之無盡藏也如是然則人君之求賢也招以弓旌聘以輪
 弊焉知草澤之下不有懷珍而稿馘者乎何以異此洞之不得暴白于
 當時也雖然洞之顯雖後時猶不為落莫于世吾安知此外不復更有
 遺者終有能表章乎否也

明徐祿著 余按考畢州守莫子讚漆子登指揮謝欽王欽請
 游雙明洞抵洞蒼然兩山夾道下有寒泉注為澄潭怡然于懷從者曰
 未也白石壁立半折崖側下有通經劈竇圓如蒲月奇哉斯之謂洞也
 從者曰未也緣門以入小徑夾崖前峯兀嶺蒼碧潭流穿石折而西廻
 又一方渚磷磷有聲雲氣拂面靜觀日色山影沉澄如鏡東西風日相

射南北繚繞石盤如蓋衍土一區可坐可話往來百步餘而與人風泉雲壑之外矣顧厓間石筍數尺形類裝點佛座虛可容背傍婉曲侍童環立者可數人俯皆平石余欣然據筍而坐其巔眇流泉而莫測其往莫子歌伐木節以磬水石冷然徐子發浩歌童冠者搵衣而進歌湛露前溪橫小梁渡涉者莫子起以請曰未也渡此則雙明洞矣余臨水却顧步小橋流泉之漱穿石洞援壁而登六七步間恍然光敞堂壁四周前開一面以吐日月上圓下方奇偉一室環壁靈異莫窮變態中座四顧山水之奇足以洗心歌酒話言方極懷抱葛衣輕飄山色半黯紅光入水起視郵人秉燎束楚以繼夜遊揖二三子起賡歌再酌凜乎其不可留矣

大明

新

真

木閣寄山在宣慰司城西四十里林木蓊蔚水

西之境由此而入養龍坑在養龍坑長官司兩山之間泓渟奩深靈物藏其下當春初和暢夷人立柳坑畔擇牝馬之貞者繫之已而雲霧晦冥類有物蛇蜒與馬接其產必龍駒 本朝洪武四年爲夏明昇降獻

游名山記

八卷之十七

二

付

良馬十其一白者乃得之於此首高九尺長丈餘不可控御詔祀馬祖然後敷典牧者囊沙四百斤壓而乘之行苑中又漸馴習後將行夕月之禮於清涼山乘之而躡雲一塵弗驚賜名飛越峯且命繪形藏馬翰林學士宋濂爲之贊大巖山在務川縣東八十里山有一巖深邃可容百餘人時多遊翫于此蝸溪疊巖在府西一百二十里峻僻間有一石門泉從中出歲旱禱之風雨驟作銅關鐵寨山在潭溪長官司西南其山高峻上頗平廣可容千人三面據險惟南可登銅鼓巖在黎平府城東北二十里有洞高大如屋深遠可三里中有溪水橫流羅團洞在府城東北一十五里洞門寬大傍有石磴如床可容二百餘人八部山在普安州城東三十里諸峰皆石矗然摩空羅磨塔山在州城北一百八十甲四面峭壁上有寨惟一逕可達東北瞰盤江三一溪在州治東其源有三一出沙莊一出雲南坡一出目前山三流合一入于城南水洞洞外狹內曠其巔有通明處其中懸崖作石狀若人獸清奇可觀關索嶺在頂營長官司治東勢極高峻周廻百餘里上有關索廟因名蔡苗

山在新添衛城東北一十里上有泉懸崖飛下宛如玉虹名曰飛泉都
勻洞在都勻長官司東一十里前門北向高廣俱一丈五尺後門南向
高廣四五尺洞中亂石狀如象鼻雜草叢生白水河在安莊衛城南三
十里懸崖飛瀑直下數十仞為河湍激若雷平日雲霧塞其下

明王訓東坡月潭寺記貴與楚隣封當兩疆之界曰東坡由道左入躋

攀林麓僅百武許有飛巖倒懸巔屹巧怪垂珠滴乳盡態極奇若神蛟
之駕秋雲鳴鳳之驚晴漢又如千乘萬騎浮空以馳僊子靈妹御風而
下雖以五丁之力吳剛之技追而琢之不足以方其妙蓋天成也傍有
崆峒邃不可入而一清泉泠泠自半巖出奔流平野居人飲焉其佳勝
無與為比惟在夷區古所弗治故轍跡罕焉爰自 皇明一統始制兵
衛隸貴曰興隆隸楚曰偏橋而周道由之由是來往者得以觀遊間有
學佛者結廬號普陀正統間遊僧德斌來營寺址名曰月潭時貴之
都指揮使常智為衛興隆倡眾募財首建正室中塑法像金碧麗美茂
林修竹環擁芳翠遂有聞於四方余惟山川因人而顯宇內佳山水經
游名山記 卷之七 三

品題而載輿志者固多若斯巖之美蓋千百而什一也

明王守仁月潭寺記興隆之南有寺曰月潭其巖壁立千仞簷垂數
百尺其上傾洞玲瓏浮者若雲霞亘者若虹霓豁若樓殿門闕懸若鍾
鼓編磬幢纓絡若搏風之鵬翻隼翔鶴螭之糾蟠猱貌之駭躩奇
怪變幻不可具狀而其下澄潭邃谷不測之洞環秘回伏喬林秀木垂
蔭蔽虧鳴瀑清溪渟洄映帶天下之山萃於雲貴連亘萬里際天無極
行旅之往來日攀緣上下於穹崖絕壑之間雖雅有泉石之癖者一入
雲貴之途亦皆踣困煩厭非復夙好而惟至於茲巖之下則又皆洒然
開豁心洗目醒雖庸儻俗侶素不知有山水之觀者亦徘徊顧盼相與
延戀而不忍去則茲巖之勝蓋不言可知矣巖界興隆偏橋之間各數
十里行者至是皆頓憊饑悴宜有休息之所而巖麓故有寺附巖之
官吏與凡苗夷獐狝之種連屬而居者歲時令節皆於是焉釐祝寺漸
蕪廢行禮無所衆方以為病今按察使滇南朱公文瑞時以兵備副使
按部至是樂茲巖之勝憫行旅之艱廼捐資庀材新其寺於巖之右以

為釐稅之所又因寺之故材與址增樓三楹以為部使者休息之館不
兩月而工告畢於是茲巖之奇若又增而勝也夫當法網嚴密之時衆
方喘息憂危動虞牽觸而獨能從容於山林泉石之好行其心之所不
愧者而無求免於俗焉斯其非外之輕而中有定者能若是乎寺始
於戍卒周齊公成於遊僧德斌增治於指揮劉瑄常智李勝及其屬王
威韓儉之徒至是凡三葺而公館之建則自今日始

明與隆東行三十里有月潭寺寺左為巖榜曰飛雲
距地百餘尺中虛而下嵌乳液融結紛詭殊狀豎者柱矗懸者珞綴揚
者鳥厲突者蹶躡躡級漫瞻欽衽徐睇極意所愜邃洞豁豁而宵際清
渠激注而前繞舊即巖麓稍右構樓攬轡脂轄者息而飯焉余閱武沅
江灑溪而還春和晝熙停馭周覽惜於徑去而樓且向地屬按察副使
祁君清葺牖闢垣傍飭吏解時偶成四詩手書于石而記其端貴州寔
殷周鬼方靡莫地秦漢以來間稱置郡羈縻未改草昧至我昭代開
藩樹文武官吏始稱屏維蠻據之鄉今檢圖誌錦巖珠壑秘洞靈淵所

游名山記

卷十七

山

至有之若澄泉噴折匿見惟石嶺屹林立在大都名區得其餘溜斷磈
亦足以誇巧而競于人者雖周道徃徃是焉而茲巖之奇又最也當其
湮翳於蠻烟寇莽中穆駿不馳騫節靡指蛇虺所穴豺虎所遊提兵拓
疆之夫尚趨起未嘗輕置足焉而今日冠蓋臨圖誌以載披霧睹天
欣欣有遇矣然使生於大都名區則有力與好事者將營以萬金侈以
衆觀笙簧鞞鞞宵膏繼晷窮遊覽之盛而貴州遐壤雜夷中原士彥非
膺命不涖商旅非入滇不經其暇而遊遊而知賞者幾人也噫巖固
幸而遊昌時出穢墟而為人所知耶又不幸居於斯不能並大都名
區巖洞泉石稱雄於世而為人所盡知耶

游名山記後序

括蒼山人何鏗撰

余少好覽觀山川奇勝乃自束髮以來于海內名山川厥觀蓋什七八云憶惟髫年從仲父博士府君講業家園是爲梅花巖之陽擇山之翠微也嘗與二三朋好穿修林蔭喬木振衣高原北望白雲玄壽諸山崔巍倚天南瞻大江東流極滄溟所止相與撫掌爲樂間以語人曰昔李固稱嚴夫子言經有五涉其四州有九游其八欲類此子矣知言哉知言哉已乃弱冠偕計北征則擊楫富春江上嚴陵釣臺丹厓萬仞翛然有遺世獨立之想已又觀濤錢塘泛舟西湖過蘇堤六橋謁弔岳武穆

游名山記

後序

卷之四

王祠墓于棲霞山下北入蘇臺登虎丘渡揚子江陟金山妙高亭歷廣陵蕪城問瓊花觀遺址則又泝淮泗凌呂梁之絕險傍嶧山而東拜孟子廟古檜栢森沉中如見泰山巖巖氣象又十餘年出使嶺表與友人會英邁馳鑣齊魯之疆泰山在望雨雪不果登乃修謁闕里登奎章閣出游孔林泝泗源流所自則龜蒙鳧繹皆在目睫爲足以慰平生仰止已乃將事皖城過池陽上齊山咏杜牧之九日詩遂次望華亭仰瞻九華諸峰如芙蓉仙掌參差霄漢間直以天下之山秀麗無是過矣爰自信州舟行睨視葛陽諸山無不可醒心悅目者豈其中仙靈窟宅耶于是帆彭蠡山南浦登覽滕閣誦三王

文辭日夜望牛斗間劍氣所在遠懷玉笋九仙之勝過
昌山探石乳洪陽二洞歷仙房石門種種恠特乃泊秀
江宴游宜春臺而去西遡湘江游衡嶽上封寺陟祝融
峰沿初暘泉手數紫蓋赤霄諸峰下宿南臺開雲堂憶
昌黎公遺烈不已又西尋浯溪問元道州漫郎宅摩觀
大唐中興頌過湘山寺觀無量壽佛遺蛻至於桂林涉
漓江見諸山轟轟拔地峭立如植圭筵笋乃其中空洞
如華景疊綵龍隱還珠諸洞備極奇崛而七星巖深入
幽局透迤數里秉炬冥搜萃世間諸物態又中州希覲
也乃下蒼梧掀蓬歷覽則陽朔諸山不啻人間盆池恠
石畧韶石望南華晶晶在目比過庾闕以歸殆萬里而

游名山記

大後序

二

吳良

遙踰年被謫石城山下以哦松餘日與同年周季實劉
子元尋德興梅巖俯入石室睇龍耳之奇轉坐大洞下
天窓明照饒陽一奇境也又嘗次武林寓西湖上紫霞
居日泛棹尋孤山登林逋放鶴亭上寶石山攀初暘臺
紫雲洞逍遙靈隱玉泉探飛來峰尋謝康樂講經臺宿
上天竺西樓聽萬竹風聲泠泠欲仙旣又登南北二高
峰矚江湖表裏壯麗又過幽林游煙霞石屋酌龍井泉
問水樂洞觀一片雲石于松篁叢棘中憇虎跑泉邊過
慈雲嶺縱步御教場奇石林立由勝果月巖下萬松書
院復宿靜慈寺尋藕花居而止其游蓋匝月云已又移
宦大梁則登繁臺及上方鐵塔北俯黃河如帶弔夷門

信陵遺蹟又由白雲寺旁上吹臺讀李杜高三賢酒酣
賦詩爰以冬月西征度成臯虎牢陟轅轅嶺游覽少林
寺登探達磨面壁洞于五乳峰上又東訪二祖菴南行
回視少室三十六峯如蒼虬舞鳳又至嵩陽宮觀漢武
帝所封大將軍三栢直千年物也瞻仰嵩山屏起橫入
天半見東峰微凹稱嵩門待月乃由黃蓋峰而上尋盧
鴻巖瀑布卽鴈蕩龍湫當不過是又一年于役宛葉經
昆陽漢光武與王郎戰場見方城七峰高列雲際求夫
子問津處三復鳳兮之歌又從桐栢淮瀆廟西去登大
復山尋淮流所自出返于南陽謁武侯卧龍岡東過宛
丘展拜太昊伏犧陵上吾夫子絃歌臺睇東門之池泛

游名山記

入後序

三

知國富

棹湖心憇蘇子由亭又一適也明年祇召北征奉侍家
大人渡黃河過廩延問博浪沙故處至衛輝登蘇門山
游孫登嘯臺及康節安樂窩觀衛源池宿百泉書院已
乃入司寇署登白雲樓日凝望西山奇聳暇日與毛希
周輦出游弄水玉泉亭憇碧雲寺浮觴曲水又上香山
坐洪光寺月壇俯瞰西湖浩渺見都城蒼然塵海金碧
暉映直鬱葱佳氣可挹又數年補守潮陽乘潮鼓棹過
波羅廟上見日臺又以九日登羅浮山歷覽鉄橋瑤石
臺玉女上界諸峰造飛雲頂直呼吸可通帝座見數百
里內川流如白龍蜿蜒大海沉碧茫昧中蓬萊十洲可
跬步至也又溯流羚羊峽北觀松臺七星巖臨壑振衣

又西南一奇探也乃道江延宴游碧雲洞朝斗巖亦煙霞輿區西入武夷則挈兩兒共棹一艇周覽九曲幽勝上天游峰坐萬峰亭憑蒼煙俯雲壑遂謁朱夫子武夷精舍出登高明樓尋茶竈大隱屏伏羲洞所在又東南勝覽也趨來江渚嘗以春日登廬山天池遇雪初霽陟白鹿昇仙臺懷周顛仙靈蹟探佛手巖周游萬峰之上如琳宮玉海觸目琅玕殆冠絕平生游覽乃從山陽詣白鹿洞誦說周朱道教視諸生揖讓俎豆徘徊不忍去南入開先寺觀馬尾泉及鶴鳴峰瀑布疑是九天銀河瀉落龍潭震響如奔萬馬聲又雄偉壯觀也遂以冬餘之暇檢校往所編名山游記鏡攷所履恍然心目卽所

游名山記

後序

四

姜彞

未歷當不爽也以示友人廬陵吳用晦稍爲刪定以命梓人屬學博士余采視刻至乙丑仲春刻成將以求正同好并著余所經游云是編初采柳河東永柳諸記益以蘭亭桃源諸名篇爲足以存昔賢風槩乃友人徐可繩備錄金精衡岱諸作大梁李川父先輩以所著乙巳春游錄相示而都太僕游名山記得之吳門曹用晦又於陸道涵所得喬太宰海嶽行記至時時以名集文記指示則濮陽李伯承爲多若廣所未備亟有俟於博雅君子焉

嘉靖四十四載歲在旂蒙赤奮若如月哉生明

游名山記跋

昔孔氏轍跡半天下志未嘗一日不在東周也觀其於呂梁日觀之間則瞻戀徘徊而不能舍去他日與二三子論志其所稱引皆翩翩然有濟于當世之務者曾不得當其一眴猶然竊笑之至子點舍瑟而對數語乃爲之喟然起嘆夫其賞鑒若此毋乃與初指矣乎蓋嘗求之喜功立名之士所賴以集天下之事非不袞然稱博大君子也顧其於耳目之所最蕩披拂者無以灑濯其胷次則其視名山複阻貫四時而露晶恠者彼固日斤斤焉而未敢一瞬而平生之所謂磊落俊偉者不過徒駭於他人之觀聽而其流之

游名山記

後跋

敝將有溺情於軒冕而不知止者矣若點者雖其流連於春風沂水之間近於沾沾自喜然夷曠高朗獨詣玄同第令脩業而息之猶將陶鑄堯舜也而况其九乎然卒也究其所造則點之視三子猶若鴈行焉則拘拘於事爲者猶不失爲當局之良工而子點之超脫固已歸於狂肆而無當於矣由是觀之求其神境而忘內外都澈如夫子所謂仁智之樂者不亦難其人耶我師賓巖何公結髮登朝託意高遠雖跡躔通鬯而寄興幽深河洛吳楚滇越之墟登覽殆徧抉精探竒動成篇什或夙深向往而良悟尚垂則邀眇潛窺神情飛動九岳志山經悉加蒐集心賞所寄已

超玄識矣摠題曰游名山記小子範得捧而卒業焉夫先生以弱冠取高第歷典郡邑補曹郎莫不襄事奏功蔚為時彥潮陽奸民弄兵窮谷嘯聚內訌非先生首建勦捕之策乘方燭而撲滅之流毒三省未知所底止也密授機宜轉漕足食不數月而戈戟化為耰鉏假令當

高皇帝時提十萬之師畧定一隅萬戶侯何足道哉顧二百年來

朝廷方推轂經術而絀武功先生于是以廣厲學官弭節江右孤行一意睠睠焉以敦教化為先拔俊掄幽不采浮譽蓋士習靡然向風矣夫其隨試輒效辟命

游名山記

後跋

二

之左中侯則中侯命之右中鵠則中鵠遙命而遙應之耶三子之才何多讓焉至其遇賞輒造飄飄然若騎風雲挾日月蟬蛻于塵埃之表則風零浴沂之度蓋居然其可想也夫功蓋三子而不滯於迹見超曾點而實履過之若先生者謂之為仁智之樂非耶且也日觀呂梁之間夫子所與共周旋者孰與顏氏之子農山之對盍亟選焉假令三子者有一出于此夫子將避席之不暇而又何點之與乎今先生雖臥枯蒼山中中外之望方隆而

主上以睿冲嗣統四海安于覆盂正無所施其勇辨之時而敷五教施禮樂先生能無意耶觀是編者當進

而求之可也

萬曆第五春康樂門人蔡文範撰
目拜書

游名山記

八後跋

三

